

類經圖翼

五之六

經經  
穴絡

漢書門	二九〇	二九〇	二〇七
類	號	函	架
冊			

內閣文庫	二九〇	二九〇	三〇
漢書	類	號	冊
函			
架			

內閣文庫	
番號	漢 11990
冊數	20 ( 18 )
函號	301 19



類經圖翼五卷

經絡三

諸部經絡發明

張介賓類著

頭面部

喉口唇舌部

頸肩部

胃腹部

背部

脇肋部

四肢部

皮毛肌肉部

筋骨血脉部

藏府部

前後陰部

頭面部

顛○足太陽交顛○足厥陰與督脉會於顛俱經絡二

○手少陽別於顛經絡三○足少陽之筋交顛上

經絡四○督脉上額交顛入絡腦經絡十七

腦髓○足太陽直者入絡腦經絡二○足陽明循眼

系入絡腦經絡十三○諸髓者皆屬於腦經絡十一

腦為髓之海經絡十二○腦者陰也髓者骨之充

也疾病八○髓者以腦為主疾病十六○肌肉之精

病約束裏顛筋骨血氣之精而與脉并為系上

屬於腦疾病十一

額顛○足陽明循髮際至額顛○足太陽上額○

足厥陰上出額俱經絡二○足少陽之筋直者上額

角○手少陽之筋結於角俱經絡四○手足少陰太

陰足陽明此五絡皆上絡左角鍼刺三十

頭○足少陽上抵頭角經絡二○足太陽之筋直者

上頭○手陽明之筋直者上左角絡頭俱經絡四○

督脉之別散頭上經絡五○頭者精明之府疾病九

面 ○任脉循面 經絡二十七 ○足少陽之別散於面 ○

手少陰出於面 俱經絡三 ○諸陽之會皆在於面 病疾

三 ○十二經脉三百六十五絡其血氣皆上於

面而走空竅 藏象二十 ○心者生之本其華在面 藏象

類 二 ○目者肝之官也 脉色三十一 ○東方色青入

目 附命門 ○目者肝之官也 脉色三十一 ○東方色青入

通於肝開竅於目 藏象四 ○東方生風在竅為目

藏象 五 ○敷和之紀其主目 運氣十三 ○任脉入目 ○

督脉與太陽起於目內眥其少腹直上者上繫

兩目之下 俱經絡二十七 ○蹻脉屬目內眥氣不營則

目不合 經絡二十八 ○足太陽有通項入於腦者正

屬日本名曰眼系 ○陰蹻陽蹻陰陽相交陽入

陰陰出陽交於目銳眥陽氣盛則腹目陰氣盛

則瞑目 俱鍼刺四十四 ○足太陽起目內眥 經絡二 ○足

太陽之筋支者為目上網 ○足陽明之筋上合

於太陽為目下網 ○足少陽之筋支者結於目

眥為外維 俱經絡四 ○足陽明還繫目系 經絡三 ○足

少陽起目銳眥至銳眥後 ○手太陽至目銳眥

支者至目內眥○手少陽至目銳眥○手少陰

繫目系○足厥陰連目系俱經絡二○手少陰合目

內眥經絡三○手陽明之別者合於宗脈經脈五○

足少陽繫目系合少陽於外眥經絡三○肝氣通

於目肝和則目能辨五色矣經絡二○平旦陰

盡陽氣出於目目張則氣上行於頭夜則氣行

於陰而復合於目經絡二○其精陽氣上走於

目而為睛藏象二十○心者五藏之專精也目者其

竅也疾病八○目者宗脈之所聚也上液之道也

疾病十九○諸脈者皆屬於目經絡二○五藏六

府目為之候○五藏六府之津液盡上滲於目

俱疾病五十八○五藏六府之精氣皆上注於目而為

之精精之窠為眼骨之精為瞳子筋之精為黑

眼血之精為絡其窠氣之精為白眼肌肉之精

為約束○目者五藏六府之精也營衛寃鬼之

所常營也神氣之所生也○目者心使也俱疾病八

十一命門○太陽結於命門命門者目也經絡十二

○三十一

鼻附天

○鼻者肺之官也

脉色三

○西方白色入

通於肺開竅於鼻

藏象

○肺主鼻在竅為鼻

藏象

五 ○審乎之紀其主鼻

運氣

○手陽明上挾鼻

孔 ○足陽明起於鼻之交頰中下循鼻外 ○手

太陽支者抵鼻

俱經

○足陽明之筋下結於鼻

○足太陽之筋結於鼻

俱經

○其宗氣上出於

鼻而為臭

藏象

○肺氣通於鼻肺和則鼻能知

香臭矣

經絡二

天牝 ○天牝從來復得其往

論治

耳 ○耳者腎之官也

脉色三

○南方赤色入通於

心開竅於耳

藏象

○腎主耳在竅為耳

藏象

足太陽支者至耳上角 ○足陽明循頰車上耳

前 ○足少陽下耳後支耳中出耳前 ○手太陽

入耳中 ○手少陽繫耳後出耳上角支入耳中

出耳前

俱經

○手陽明之別者入耳合於宗脉

經絡

五 ○足少陽之筋出太陽之前循耳後 ○足

陽明之筋其支者結於耳前 ○手太陽之筋結

於耳後完骨支者入耳中直者出耳上

俱經

○

手厥陰出耳後合少陽完骨之下三 經絡○十二

經脉三百六十五絡其別氣走於耳而為聽藏象

十二○手足少陰太陰足陽明五絡皆會於耳中

上絡左角鍼刺 三十○足少陽之標在窻籠者耳也

經絡 十二○耳者宗脉之所聚也疾病七 十九○腎氣通

於耳腎和則能聞五音矣經絡二 十三

枕骨○足太陽之筋直者結於枕骨○足少陰之

筋結於枕骨與足太陽之筋合俱經 絡四

完骨○足太陽之筋上結於完骨○手太陽之筋

結於耳後完骨俱經 絡四○手厥陰出耳後合少陽

完骨之下三 經絡

顙○手太陽斜絡於顙經絡 二

頰○足太陽之筋支者下結於頰○足陽明之筋

合於頰○手陽明之筋支者結於頰○足少陽

之筋結於頰俱經 絡四○躄脉入頰經絡 二 十八

頤○手太陽支者上頤○手少陽至頤○足少陽

抵於頤俱經 絡二○足陽明上頰頤經絡 三

頰○手陽明支者貫頰○手太陽支者循頸上頰

○手少陽下頰○足少陽下加頰車○足厥陰

支者下頰裏○足陽明循頰車俱經絡二○足少陽

在耳下曲頰之後經絡十○手少陽之筋其支者

當曲頰經絡四

頤○任脉上頤○督脉上頤俱經絡二十七○足陽明循

頤後下廉經絡二○足少陽之別出頤頤中經絡三

頤○足少陽之筋下走頤○手太陽之筋結於頤

○手少陽之筋上乘頤○手陽明之筋直者下

右頤俱經絡四

頰○足太陽之筋下頰經絡四

人中○手陽明交人中經絡二

承漿○足陽明下交承漿經絡二

會頰口脣舌部

咽喉○任脉至咽喉○督脉入喉俱經絡二十七○衝脉

任脉會於咽喉藏象十七○足陽明循喉嚨○手太

陽循咽○足少陽循喉嚨○足厥陰循喉嚨之

後上入頰頰○手少陰支者上挾咽俱經絡二○足

少陽之別上挾咽○足陽明上循咽○足太陰



合於陽明上行結於咽○手少陰之正上走喉

嚨○手厥陰出循喉嚨○手陽明上循喉嚨○

手太陽循喉嚨俱經絡三○足陽明挾咽之動脈經絡

十○上焦並咽以上經絡二

隘○足太陰脈絡隘疾病十三

會厭○厭小而疾薄則發氣疾其開闔利厭大而

厚則開闔難其氣出遲○足之少陰絡於橫骨

人終於會厭俱鍼刺四十五

口○中央黃色入通於脾開竅於口藏象四○脾主

口在竅為口藏象五○備化之紀其主口運氣十三

手陽明挾口○足陽明上挾口俱經絡二○足陽明

出於口經絡三○脾氣通於口脾和則口能知五

穀矣經絡十二○衝任之脈絡唇口藏象十七

唇○脾之合肉也其榮唇也藏象八○脾胃大小腸

三焦膀胱者倉廩之本其華在唇四白藏象二

督脈環唇經絡十七○足陽明環唇○足厥陰環

唇內俱經絡二○口唇者脾之官也脈色十一○唇舌

者肌肉之本也疾病九十五

舌○舌者心之官也脉色三十一○中央黃色入通於

脾開竅於口故病在舌本藏象四○足少陰之脉

貫腎繫舌本疾病六十二○心主舌在竅為舌藏象五

○升明之紀其主舌運氣十三○足太陰連舌本散

舌下○足少陰挾舌本俱經二○足太陰貫舌中

○足少陰直者繫舌本俱經三○足少陰舌下經絡

○足少陰之標在背膂與舌下兩脉經絡十二○

足之少陰上繫於舌鍼刺四十五○手少陰之別繫

舌本經絡五○手少陽之筋支者入繫舌本○足

太陽之筋支者別入結於舌本俱經四○上焦上

至舌經絡二十三○厥陰者肝脉也肝者筋之合也

筋者聚於陰器而脉絡於舌本疾病九十五○其濁

氣出於胃走脣舌而為味藏象二十二○心氣通於舌

心和則舌能知五味矣經絡十二

齒牙○手陽明入下齒中○足陽明下循鼻外入

上齒中俱經二○手陽明之別編齒經絡五○手少

陽之筋支者上曲牙經絡四○足陽明循牙車經絡

三○足太陽有入頰編齒者名曰角孫上齒齠

取之鍼刺四十四齒者骨之所終也氣味三

頸肩部

項頸○督脉之別上項經絡五○督脉還出別下項

經絡二○足太陽下項○足少陽循頸○手太

陽循頸○手少陽上項○足厥陰循喉嚨之後

上入頰頰俱經絡二○足太陽從膺上出於項○足

少陰繫舌本復出於項俱經絡三○足陽明之別上

項經絡五○中央之脉督脉也經絡十○足少

陰之筋挾膺上至項○手太陽之筋其支者循

頸出走太陽之前○手陽明筋直者從肩髃上

頸俱經絡四○衝脉上者出於頰頰鍼刺二十○肌肉之

精為約束裏擷筋骨血氣之精而與脉系後出

於項中疾病八十一

肩○足太陽循肩髃內下貫脚○足少陽至肩上

○手太陽繞肩胛交肩上○手陽明上肩出髃

骨之前廉○手少陽循臑外上肩俱經絡二○手太

陽之別絡肩髃○手陽明之別上乘肩髃俱經絡五

○足太陽之筋支者結於肩髃○手陽明之筋

結於鬲其支者繞肩胛○手太陰之筋結肩前

俱經鬲絡四○督脉之別當肩胛左右走太陽經絡五

○督脉循肩膊經絡二

缺盆○足陽明入缺盆○足少陽入缺盆○手太

陽入缺盆○手陽明出入缺盆○手少陽出入

缺盆俱經○足太陽之筋上出缺盆○足陽明

之筋至缺盆而結○足少陽之筋結於缺盆俱經

絡四○手太陰上出缺盆經絡三○五藏六府心為

之出氣益為之道藏象二

胃腹部

胃○足少陽下胃中○足少陰注胃中○手厥陰

起胃中俱經○手少陽注散胃中○脾之大絡

布胃俱經○手心主之正別下淵腋三寸入胃

中經絡三○足太陰之筋散於胃中○手太陰之

筋下結胃裏○手少陰之筋結下胃中○手厥

陰之筋入腋散胃中俱經○衝脉俠齊上行至

胃中而散經絡十七○躄脉上循胃裏經絡二

膻中○手少陽布膻中經絡二○足厥陰絡於膻中

經絡 三十 ○臚中者心主之官城也 疾病五十六

膈 ○手太陽下膈 ○手少陽下膈 ○手厥陰下膈

○足少陽貫膈 ○足太陰上膈 ○足厥陰上貫

膈 ○足陽明下膈 ○足少陰從腎上貫肝膈 俱經

絡二

乳 ○足陽明下乳內廉 經絡二 ○手陽明之正從手

循膺乳 經絡三 ○足少陽之筋繫於膺乳 ○手少

陰之筋交太陰挾乳裏 俱經絡四 ○胃之大絡名曰

虛里出左乳下 脉色十一

鳩尾 ○任脉之別下鳩尾 經絡五

腹 ○足陽明之正入於腹裏 經絡三 ○足陽明之筋

上腹而布 經絡四 ○足太陰上入腹 ○足厥陰抵

小腹 俱經絡二 ○任脉之別散於腹 經絡五 ○任脉者

循腹裏 經絡十七 ○小腹臍下三結交者陽明太

陰也 鍼刺五十三

臍 ○足陽明下挾臍 經絡二 ○足太陰之筋結於臍

○手少陰之筋下繫於臍 俱經絡四 ○衝脉者起於

氣街並足少陰之經挾臍上行至胷中而散 ○

督脉少腹直上者貫臍中央俱經絡二十七

背部

背脊○西方白色入通於肺故病在背藏象四○足

太陽挾脊○足少陰貫脊俱經絡二○足陽明之筋

上循脇屬脊○足太陰之筋內者著於脊○足

少陰之筋循脊內○手陽明之筋支者挾脊俱經絡

絡○督脉貫脊經絡二○背者骨中之府疾病九

一○邪在小腸者屬於脊鍼刺四

脊○足太陽入循脊經絡二○足少陰之筋挾脊上

項經絡四○督脉之別挾脊貫脊經絡五

腰○足太陽抵腰中經絡二○足少陰之別貫腰經絡

五○督脉挾脊抵腰中經絡二○腰者腎之府疾病九

十一

脇肋部

腋○足少陽直者下腋○手太陰橫出腋下○手

少陰下出腋下○手厥陰上抵腋下俱經絡二○手

太陽之正入腋走心○手少陰之正別入淵腋

兩筋之間○手心主之正別下淵腋三寸入臂

中○手太陰之正別入淵腋少陰之前入走肺

俱經絡三○足太陽之筋支者從腋後外廉入腋下

○足少陽之筋其直者上走腋前廉○手太陽

之筋入結於腋下俱經絡四○脾之大絡名大包出

淵腋下三寸經絡五○上焦布胃中走腋經絡二

脇○足少陽循脇裏直者過季脇○手厥陰出脇

○足厥陰布脇肋俱經絡二○足陽明之筋上循脇

○手太陰之筋下抵季脇○手厥陰之筋前後

挾脇俱經絡四○脾之大絡布脇經絡五

肋○足太陰之筋循腹裏結於肋經絡四

四肢部

四肢○四支皆稟氣於胃而不得至經必因於脾

乃得稟也疾病十三○四支者諸陽之本也疾病十二

手大指○手太陰出手大指端經絡二

手食指○手太陰直出次指內廉出其端○手陽

明起大指次指端俱經絡二

手中指○手厥陰循中指出其端經絡二

手名指○手厥陰支者循小指次指出其端○手

少陽起手小指次指之端俱經 絡二

手小指○手太陽起小指之端○手少陰循小指

之內出其端俱經 絡二

手掌○手太陰之別直入掌中經絡 五○手少陰抵

掌後銳骨之端入掌內後廉○手厥陰入掌中

俱經 絡二

手腕○手太陰從腕後○手太陽循手外側上腕

○手少陽循手表俱經 絡二○手太陽之筋結於腕

○手少陽之筋結於腕○手陽明之筋結於腕

俱經 絡四○手太陰之別名列缺起腕上○手少陰

之別名通里去腕寸半別而上行○手心主之

別名內關去腕二寸出兩筋間○手太陽之別

名支正上腕五寸內注少陰○手陽明之別名

偏歷去腕三寸入太陰○手少陽之別名外關

去腕二寸外遶臂俱經 絡五

合谷○手陽明出合谷兩骨間經絡 二

寸口○手太陰之筋循大指上行結於魚後行寸

口外側經絡 四



手踝○手太陽循手外側出踝中

二 經絡

肘○手太陽出肘內側兩筋之間○手陽明入肘

外廉○手少陽上貫肘○手太陰行心主之前

下肘中○手少陰下肘內

俱經 絡二

○手太陽之筋

結於肘內銳骨之後彈之應小指之上○手厥

陰之筋與太陰並行結於肘內廉

俱經 絡四

臂○手太陽循臂骨下廉○手陽明循臂上廉○

手少陽出臂外兩骨之間○手太陰循臂內○

手少陰循臂內後廉○手厥陰下臂行兩筋之

間俱經 絡二○手厥陰之筋上臂陰其支者結於臂

四 經絡

臑○手太陽上循臑外後廉○手陽明上臑外前

廉○手少陽循臑外○手太陰下循臑內○手

少陰下循臑內後廉○手厥陰循臑內行太陰

少陰之間俱經 絡二

足○陽氣起於足五指之表陰脉者集於足下而

聚於足心陰氣起於五指之裏集於膝下而聚

於膝上

疾病三 十四

足大指○足太陰起於大指之端循內側○足陽  
 明支者入大指出其端○足少陽支者別跗上  
 入大指之間出其端還貫爪甲出三毛○足厥  
 陰起大指叢毛之際俱經絡二○手少陽三焦下膈  
 在於足大指之前少陽之後經絡十六○衝脉入足  
 大指經絡十三

足中指○足陽明入中指內間其支者入外間經絡二  
 ○足陽明之筋起於中三指經絡四  
 足名指○足少陽入小指次指之間經絡二○足少

陽之筋起於小指次指經絡四

足小指○足太陽循京骨至小指外側○足少陰  
 之脉起於小指之下邪走足心俱經絡二○足太陽  
 之筋起於足小指經絡四

足心○足少陰邪走足心經絡二○衝脉入足下經絡

三十

足本節○足太陰之别名公孫去本節後一寸走  
 陽明經絡五

足跗○足陽明下足跗○足少陽循足跗上○足

厥陰上循足跗上廉俱經絡二○足陽明之筋結於

跗上經絡四○衝脉別者出跗屬上下經絡十三

足跟○足太陽之筋上循跟經絡四○足少陰循內

踝之後別入跟中經絡二

踵○足太陽之筋循足外踝結於踵○足少陰並

足太陰之筋結於踵俱經絡四

內踝○足太陰上內踝前廉○足厥陰上踝八寸

交出太陰之後俱經絡二○足太陰之筋上結於內

踝○足厥陰之筋上結於內踝之前○足少陰

之筋並足太陰之筋邪走內踝之下俱經絡四○足

少陰之別名大鍾當踝後遠跟走太陽○足厥

陰之別名蠡溝去內踝五寸走少陽俱經絡五○衝

脉並少陰之經下入內踝之後經絡十三○躡脉上

內踝之上經絡二十八

外踝○足太陽出外踝之後○足少陽下出外踝

之前俱經絡二○足太陽之筋上結於踝○足少陽

之筋上結外踝俱經絡四○足太陽之別名飛陽去

踝七寸別走少陰○足少陽之別名光明去踝

五寸走厥陰○足陽明之別名豐隆去踝八寸

走太陰俱經 絡五

足脛○足陽明循脛外廉○足太陰循脛骨後俱經

絡二○足厥陰之別循脛絡五○足少陽之筋上

循脛外廉絡四○衝脉循脛骨內廉溫足脛絡經

十○衝脉下者伏行胛骨內鍼刺 絡二

膈○足太陽下貫踰內○足少陰上踰內俱經 絡二

足太陽之筋別者結於踝外絡四○三焦下膈

上踝五寸別入貫膈腸絡十六

膝○足陽明下膝臏中○足太陰上膝股內前廉

○足少陽出膝外廉俱經 絡二○足太陽之筋自外

踝邪上結於膝○足陽明之筋上結於膝外廉

俱經 絡四○膝者筋之府疾病九 絡一

輔骨○足少陽下外輔骨之前絡二○足陽明之

筋其支者結於外輔骨合少陽○足太陰之筋

直者絡於膝內輔骨○足少陰之筋與太陽之

筋合而上結於內輔之下○足少陽之筋支者

別起外輔骨○足厥陰之筋上結內輔之下俱經

四絡

膈中○足太陽從後廉下合膈中○足少陰出膈

內廉○足厥陰上膈內廉俱經絡二○足太陽之正

別入於膈中經絡三○足太陽之經結於膈經絡四

○三焦下膈出膈中外廉經絡十六○衝脉邪入膈

中經絡十三

上廉下廉○足陽明下三里三寸為巨虛上廉復

下上廉三寸為巨虛下廉大腸屬上小腸屬下

足陽明胃脉也經絡十六○大腸合於巨虛上廉小

腸合於巨虛下廉鍼刺二

伏兔○足陽明之筋直者上循伏兔○足少陽之

筋前者結於伏兔之上俱經絡四

股○足少陰上股內後廉○足厥陰循股陰俱經絡二

○足太陰之筋上循陰股○足少陰並太陰之

筋而上循陰股俱經絡四○衝脉循陰股內廉經絡十三

髀○足太陽過髀樞循髀外○足少陽橫入髀厭

中以下循髀陽俱經絡二○足陽明之正上至髀○

足太陰之正上至髀○足少陽之正繞髀俱經絡三

○足少陽之筋其支者上走髀○足陽明之筋

結於髀樞其直者上結於髀○足太陰之筋上

結於髀俱經絡四

節○諸筋者皆屬於節經絡二十一

谿○北方黑色入通於腎故病在谿藏象四

四末○四末陰陽之會者此氣之大絡也經絡十三

陽受氣於四末鍼刺二

四街○四街者氣之經路也經絡十三

皮毛肌肉部

皮毛○西方生燥在體為皮毛藏象五○肺者氣之

本其華在毛其充在皮藏象二○肺之合皮也其

榮毛也藏象八○審平之紀其養皮毛運氣十三○肺

合大腸大腸者皮其應○腎合三焦膀胱三焦

膀胱者腠理毫毛其應俱藏象二十八

髮○腎者主蟄封藏之本其華在髮藏象二○腎之

合骨也其榮髮也藏象八

肌○三焦膀胱者倉廩之本其華在脣四白其充

在肌藏象二

肉○脾之合肉也藏象八○中央生濕在體為肉藏象

五○備化之紀其養肉運氣十三○脾合胃胃者肉

其應藏象二十八

筋骨血脉部

筋爪○東方生風在體為筋藏象五○敷和之紀其

養筋運氣十三○足厥陰絡諸筋經絡四○肝之合筋

也其榮爪也藏象八○肝者罷極之本其華在爪

其充在筋藏象二○肝合膽膽者筋其應藏象二

○筋者聚於陰器而脉絡於舌本疾病九十五

骨○北方生寒在體為骨藏象五○腎者主蟄封藏

之本其充在骨藏象二○腎之合骨也藏象八○靜

順之紀其養在骨髓運氣十三○骨者髓之府疾病九

十一

血脉○心者生之本其充在血脉藏象二○心之合

脉也藏象八○南方生熱在體為脉藏象五○升明

之紀其養血運氣十三○心合小腸小腸者脉其應

藏象二  
十八

藏府部

肺○審平從革堅成之紀其藏肺運氣十三○手太陰

屬肺○手陽明絡肺○手少陰上肺○足少陰

直者入肺中○足厥陰上注肺俱經絡二○諸氣者

皆屬於肺經絡十一○肺者氣之本藏象二○脾氣

散精上歸於肺藏象十二

大腸○手陽明屬大腸○手太陰下絡大腸俱經絡二

○足太陰之別者入絡腸胃經絡五

胃○足陽明屬胃○足太陰絡胃○手太陽抵胃

○足厥陰挾胃○手太陰循胃口俱經絡二○手太

陰之筋散貫貫經絡四○大腸小腸皆屬於胃經絡

六○足太陰脉貫胃屬脾疾病十三

脾○備化卑監敦阜之紀其藏脾運氣十三○足太陰

屬脾○足陽明絡脾俱經絡二

心○升明伏明赫曦之紀其藏心運氣十三○手少陰

起心中出屬心系○手太陽絡心○足太陰支

者注心中○足少陰支者絡心俱經絡二○足太陽

循脊當心入散○足少陽貫心○足陽明上通

於心俱經絡三○手心主之別絡心系經絡五○督脉



上貫心經絡二○足太陽背俞注於心疾病六

○諸血者皆屬於心經絡二

小腸○手太陽屬小腸○手少陰絡小腸俱經

足太陰之別者入絡腸胃經絡五

膀胱○足太陽屬膀胱○足少陰絡膀胱俱經

三焦下膈並太陽之正入絡膀胱約下焦經絡

○三焦合入於委陽鍼刺二

腎○靜順潤流流衍之紀其藏腎運氣○足少陰

屬腎○足太陽絡腎俱經○足少陰之正別走

太陽而合上至腎經絡○腎合三焦膀胱藏象

○衝脉者十二經之海也與少陰之大絡起

於腎下經絡○衝脉下者注少陰之大絡鍼刺

○胞絡者繫於腎疾病六

心包絡○手厥陰屬心包絡○手少陽散絡心包

○足少陰之別者上走心包經絡

三焦○手少陽屬三焦○手厥陰絡三焦俱經

三焦下膈在於足大指之前少陽之後出於膈

中外廉名曰委陽是太陽絡也手少陽經也三

焦者足少陽太陽之所將太陽之別也經絡十六○

手太陰之脉起中焦經絡二

膽○足少陽屬膽○足厥陰絡膽俱經絡二

肝○敷和委和發生之紀其藏肝運氣十三○足厥陰

屬肝○足少陽絡肝○足少陰上貫肝膈俱經絡二

○足少陽散之上肝經絡三

前後陰部

二陰○北方黑色入通於腎開竅於二陰藏象四○

靜順之紀其主二陰運氣十三

陰器○足厥陰過陰器經絡二○足厥陰脉循陰器

而絡於肝疾病三十九○足陽明之筋聚於陰器○

足太陰之筋直者聚於陰器○足少陰之筋並

太陰而上結於陰器○足厥陰之筋結於陰器

俱經絡四○足厥陰之別者循脛上臑結於莖經絡五

○任脉者起於中極之下以上毛際○督脉起

於少腹以下骨中央女子入繫廷孔其絡循陰

器合纂間繞纂後其男子循莖下至纂與女子

等俱經絡二十七○躄脉循陰股入陰經絡二○前陰

者宗筋之所聚太陰陽明之所合也疾病三十四○

衝脉者經脉之海也主滲灌谿谷與陽明合於

宗筋陰陽總宗筋之會會於氣街而陽明為之

長疾病七十一

毛際○足厥陰入毛中○足少陽出氣街遶毛際

俱經絡二○足少陽之正入毛際合於厥陰經絡三

臑○足厥陰別者上臑經絡五○邪在小腸者連臑

系鍼刺四十七

臀○足太陽貫臀經絡二○足太陽之筋上結於臀

經絡四○督脉別繞臀經絡二

肛○足太陽之正下尻五寸別入於肛經絡三

尻○足少陽之筋後者結於尻經絡四

類經圖翼六卷

張介賓類正

經絡 四

手太陰肺經穴

肺經穴歌

手太陰經十一穴。中府雲門天府列。俠白尺澤  
孔最存。列缺經渠太淵涉。魚際直出大指端。內  
側少商如韭葉。

中府

一名膺  
中俞

在雲門下一寸。去任脉中行六寸。

乳上三肋間陷中動脈應手。仰而取之。○肺之募也。募。結募也。為經氣之所聚。他放此。○手足太陰之會。○刺

三分。留五呼。灸三壯五壯。以壯人為法也。

主治肺急胃滿。喘逆善噎。食不下。肺臆寒熱。欬

嘔膿血。肺風面腫。汗出肩息。背痛。涕濁喉痺。

少氣不得臥。飛尸遁注。癭瘤。○此穴主寫胃

中之熱。其治多與大杼缺盆風府同。

千金云。身體煩熱。刺中府。○又云上氣欬逆短

氣。氣滿食不下。灸五十壯。

百證賦云。同意合。能治胃滿噎噎。

雲門 在巨骨下。夾氣戶旁二寸。去中行六寸。陷

中動脈應手。舉臂取之。○刺三分。灸五壯。甲乙

經云。刺太深。令人逆息。千金云。灸五十壯。

主治傷寒四支熱不已。欬逆短氣。上衝心胃。脇

肋煩滿微痛。喉痺癭氣。臂不得舉。○此穴主

寫四支之熱。其治與肩髃委中腰俞大同。

千金云。病癭上氣。胃滿。灸百壯。

天府 在臂臑內廉。腋下三寸。動脈陷中。以鼻取

之。○刺四分。留三呼。禁灸。灸之令人氣逆。

主治暴痺內逆。肝邪相搏。卒中惡風邪氣。血溢

口鼻。飛尸鬼注。惡語悲泣。善忘喘息。不得安

臥。疹瘡寒熱。目疹瘦氣。

千金翼云。身重嗜臥不自覺。灸五十壯。刺三分

補之。○又病瘦惡氣。灸五十壯。

百證賦云。兼合谷。可追鼻中衄血。

俠白 在天府下。去肘上五寸動脈中。○手太陰

之別。○刺四分。留三呼。灸五壯。

主治心痛氣短。乾嘔煩滿。

尺澤 在肘中約文上。屈肘橫文。筋骨罅中動脈。

○手太陰所入為合。肺實寫之。○刺三分。留三

呼。灸三壯五壯。○甄權云。臂屈伸橫文間筋骨

罅中不宜灸。

主治嘔吐上氣。喉痺鼓頷。心煩身痛。不得汗。舌

乾。欬唾膿血。心痛氣短。肺積息賁。疹瘡汗出。

中風肩背痛。洒淅寒熱。風痺肘攣。四支腫痛

不得舉。脇痛腹脹。小便數溺。色變遺失無度。

面白善噫。悲愁不樂。及小兒慢驚風。可灸一壯。

千金翼云。邪病四支重痛。諸雜候。尺澤主之。一

名鬼堂。○又治嘔吐上氣。灸三壯七壯。○又

治氣短不語。灸百壯。

玉龍賦云。理筋急。○又云。兼曲池。療肘臂。攣痛。

靈光賦云。吐血定喘。須補此穴。

席弘賦云。治五般肘痛。又須鍼清冷淵。以收功。

孔最。在腕上七寸陷中。○手太陰之郄。○刺三

分。留三呼。灸五壯。

主治熱病汗不出。灸三壯。卽汗出。及欬逆。肘臂

痛。屈伸難。吐血失音。頭疼咽痛。

列缺。在腕後側上一寸五分。滑氏曰。以手交叉。

當食指末筋骨罅中是穴。○此手太陰之絡。從

腕後別走陽明。直出食指內廉。出其端。凡人有

反關脉者。寸關尺三部正脉不見。而見於列缺

陽谿。此經脉虛而絡脉滿。千金翼謂陽脉逆。反

大於寸口三倍者是也。○刺二分。留三呼。灸三

壯慎酒麪生冷等物。

主治偏風口眼喎斜。手肘痛無力。半身不隨。口

噤不開。痰瘧寒熱。煩躁欬嗽。喉痺嘔沫。縱唇。

健忘驚癇善笑。妄言妄見。面目四肢癱腫。小

便熱痛。實則肩背暴腫汗出。虛則肩背寒慄。

少氣不足以息。四肢厥逆。瘰癧尸厥。若患偏

風灸至百壯。若患腕勞灸七七壯甚妙。

千金云男子陰中疼痛。尿血精出。灸五十壯。

玉龍賦云兼太淵治欬嗽風痰。

攔江賦云頭部痛瀆尋之。痰涎壅塞咽乾宜此。

席弘賦云氣刺兩乳求太淵。未應瀆寫此穴。偏

正頭疼求此。又瀆重寫太淵無不應。

通玄賦云堪治欬嗽寒痰。

四總穴云頭項瀆尋列缺。

千金十一穴云後谿并列缺治胃項有痛。

馬丹陽天星十二穴云此穴善療偏頭患。偏身

風痺麻痰涎頻上壅。口噤不開牙。若能明補

寫。應手疾如拿。



經渠 在寸口陷中。○手太陰所行為經。○刺三分。留三呼。禁灸。灸則傷人神明。

主治痰癰寒熱。胃背拘急。膨脹。喉痺欬逆。上氣數欠。傷寒熱病。汗不出。心痛嘔吐。

百證賦云。兼大都。治熱病汗不出。

太淵 在手掌後陷中。○手太陰所注為腧。即原也。○脉會太淵。每日平旦寅時。脉從此始。故一難曰。寸口者。脉之大會。○刺二分。留二呼。灸三壯。

主治胃痺。氣逆。欬嘔。噦。飲水肺脹。喘息不休。噫氣。欬血。心痛。咽乾。煩躁。狂言。不得臥。目痛。生翳。赤筋。口噤。缺盆痛。肩背痛。引臂膊。溺色。變遺失。無度。

神農經曰。治牙疼。手腕無力。疼痛。可灸七壯。

玉龍賦云。兼列缺。治欬嗽風痰。

席弘賦云。治氣刺兩乳。求太淵。未應之時。鍼列缺。○又云。偏正頭疼。尋列缺。重寫太淵。無不應。○又云。五般肘痛。尋尺澤。太淵鍼後。却收。

功。

魚際 在手大指本節後內側陷中。又云散脉中白肉際。○手太陰所溜為榮。○刺二分。留三呼。灸三壯。

主治酒病。身熱惡風寒。虛熱。舌上黃。頭痛欬噦。傷寒汗不出。痺走胃背痛不得息。胃眩煩心。少氣寒慄。喉咽乾燥。嘔血唾血。心痺悲恐。腹痛食不下。乳癰。肢滿肘癭。溺出。及癰方欲寒。刺手足太陰陽明出血。

席弘賦云此穴兼承山崑崙治轉筋目眩。百證賦云兼液門能治喉痛。

一傳此穴兼經渠通里可治汗不出者便得淋漓。更兼三間三里便得汗至遍身。

一傳齒痛不能食飲。左患灸左。右患灸右。男三女四。

少商 在手大指內側端。去爪甲角如韭葉。白肉際宛宛中。○手太陰所出為井。○刺一分。留三呼。五吸。宜用三稜鍼刺。微出血。洩諸藏之熱。不

宜灸甲乙經云灸一壯。一云三壯。忌生冷。

主治項腫喉痺。煩心嘔噦。心下滿。汗出欬逆。痰

瘧振寒。腹脹腸滿。雀目不明。唇乾唾沫引飲

食不下。寒慄鼓頷。手攣指痛。小兒乳蛾。○唐

刺史成君綽忽項腫如升。喉閉水粒不下。甄

權以三稜鍼刺之。微出血立愈。

乾坤生意云。此為十井穴。元初中風卒暴昏沉。

痰涎壅盛。不省人事。牙關緊閉。藥水不下。急

以三稜鍼刺此穴。及少衝中衝關衝少澤商

陽。使血氣流行。乃起死回生急救之妙穴。

太乙歌云。男子痲痺取少商。

百證賦云。兼曲澤治血虛口乾。

天星秘訣云。專治指痛攣急。

手陽明大腸經穴

大腸經穴歌

手陽明穴起商陽。二間三間合谷藏。陽谿偏歷歷温溜。下廉上廉三里長。曲池肘髎迎五里。臂臑肩髃巨骨起。天鼎扶突接禾膠。終以迎香二十止。

商陽

絕陽一名

在手食指內側。去爪甲角如韭葉。

手陽明所出為井。刺一分。留一呼。灸三壯。

主治胃中氣滿喘欬。熱病汗不出。耳鳴耳聾。寒

熱痰瘧。口乾頤腫。齒痛目盲。惡寒。肩背肢臂  
腫痛相引。缺盆中痛。灸三壯。左取右。右取左。  
如食頃立已。

百證賦云兼太谿。治寒瘧有驗。

乾坤生意云。此為十井穴。凡初中風跌倒。卒暴  
昏沉。痰盛不省人事。牙關緊閉。藥水不下。急  
以三稜鍼刺此穴。及少商中衝少衝。使血氣  
流通。乃急救回生之妙穴。

二間一名  
閒谷

在食指本節前內側陷中。○手陽明

所溜為榮。○刺三分。留六呼。灸三壯。

主治頷腫喉痺。肩背膈痛。顛衄齒痛。目黃口乾。  
口眼歪斜。飲食不通。振寒傷寒水結。

玉龍賦云治牙疼妙。

席弘賦云兼陽谿。治牙疼腰痛咽痺。

百證賦云兼陰郄。能疏通寒慄惡寒。

通玄賦云治目昏不見。

天星秘訣云兼三里。治牙疼頭痛喉痺。

三間一名  
少谷

在食指本節後內側陷中。○手陽明

所注為臑。○刺三分。留三呼。灸二壯。

主治欬衄熱病。喉痺咽中如梗。下齒齲痛。嗜臥。

胃腹滿。腸鳴洞泄。寒熱瘧。脣焦口乾。氣喘目

皆痛。善驚。寒熱結水多唾。

席弘賦云。兼腎俞。善除背痛風勞。

百證賦云。兼攢竹。治目中之漠漠。

捷徑云。治身熱氣喘。口乾目急。

合谷 一名虎口

在手大指次指岐骨間陷中。○手陽

明所過為原。○刺三分。留六呼。灸三壯。

主治傷寒大渴。脉浮在表。發熱惡寒。頭痛脊強。

風疹。寒熱瘧。瘧熱病汗不出。偏正頭痛。面腫

目翳。脣吻不收。瘖不能言。口噤不開。腰脊引

痛。癢。小兒乳蛾。○一云能下死胎。婦人妊

娠。補合谷即墮胎。千金云。產後脉絕不還。刺

合谷入三分。急補之。

神農經云。治鼻衄目痛不明。牙疼喉痺疥瘡。可

灸三壯至七壯。

攔江賦云。傷寒無汗。寫合谷。補復溜。若汗多不

止便補合谷。寫復溜。神效。

席弘賦云兼太衝。治手連肩脊痛難忍。○又兼

曲池。治兩手不如意。○又云睛明治眼若未

效。合谷光明不可缺。○又云冷嗽先宜補合

谷。又須鍼寫三陰交。

百證賦云兼天府。治鼻衄。

天星秘訣云兼三陰交。治脾病血氣。○又云兼

內庭。治寒瘧面腫及腸鳴。

四總穴云面口合谷收。

千金十一穴云。曲池兼合谷。可徹頭疼。

馬丹陽天星十二穴云。療頭疼并面腫瘧病熱

還寒。體熱身汗出。目暗視茫然。齒齲鼻衄血

口噤不開言。鍼入五分深。能令病自安。

陽谿一名中魁

在手腕中上側。兩筋間陷中。○手陽

明所行為經。○刺三分。留七呼。灸三壯。

主治狂言喜笑見鬼。熱病煩心。掌中熱汗不出。

目赤爛翳。厥逆頭痛。胃滿不得息。寒熱痰瘧

嘔沫。喉痺耳鳴齒痛。驚掣肘臂不舉。痲疥。

席弘賦云兼二間治牙疼腰痛喉痺。

百證賦云兼解谿治驚悸怔忡。○又云兼肩髃。

能消癰風之熱極。

偏歷 在手腕後三寸。○手陽明絡。別走太陰。○

刺三分。留七呼。灸三壯。

主治痰瘧寒熱癩疾多言。目視眈眈耳鳴喉痺。

口喎咽乾鼻衄齒痛汗不出。

標幽賦云刺偏歷利小便治大人水蠱。

溫溜 一名逆注 一名蛇頭 在手腕後小士五寸大士六寸。

大士小士謂大人小兒也。明堂云腕後五寸六寸間。○手陽

明郄。○刺三分。灸三壯。

主治傷寒噦逆噫隔氣閉寒熱頭痛喜笑狂言。

見鬼吐沫口舌腫痛喉痺面虛腫腸鳴腹痛。

四支腫疼肩不得舉。

百證賦云兼期門治傷寒項強。

下廉 在曲池下四寸輔骨下去上廉一寸。輔兌

肉其分外科。○刺五分。留五呼。灸三壯。

主治勞瘵狂言頭風痺痛飧泄小腹滿小便血。



小腸氣。面無顏色。痲痺腹痛不可忍。食不化。氣喘涎出。乳癰。○此穴主寫胃中之熱。與氣衝三里巨虛。上廉治同。

上廉 在三里下一寸。曲池下三寸。其分獨抵陽明之會外斜。○刺五分。灸五壯。

主治腦風頭痛。胃痛喘息。半身不遂。腸鳴小便澹。大腸氣滯。手足不仁。○此穴主寫胃中之熱。與氣衝三里巨虛下廉治同。

三里 一名手三里 在曲池下二寸。兌肉之端。按之肉

起。○刺三分。灸三壯。

主治中風口癖。手足不隨。五勞虛乏。羸瘦。霍亂遺失。失音。齒痛。頰腫。瘰癧。手痺不仁。

席弘賦云。此穴治腰背痛。連臍不休。下鍼麻重。須寫。得氣不用留。○又云。手足上下鍼三里。食癖氣塊。憑此取。

百證賦云。兼少海。治手臂麻頑。通玄賦云。專治肩背痛。

曲池 在肘外輔骨。屈肘曲骨之中。以手拱胷取

之。○手陽明所入為合。○刺七分。留七呼。灸三壯。一云百壯。

主治傷寒振寒。餘熱不盡。胃中煩滿。熱渴。目眩耳痛。瘰癧。喉痺不能言。瘰癧癩疾。繞踝風。手臂紅腫。肘中痛。偏風半身不遂。風邪泣出。臂膊痛。筋緩無力。屈伸不便。皮膚乾燥。痲疥。婦人經脈不通。

神農經云。治手肘臂膊疼細無力。半身不遂。發熱。胃前煩滿。可灸十四壯。

玉龍賦云。兼人中。可治痿仆。兼尺澤。治肘痛。標幽賦云。兼肩井。甄權刺臂痛而復射。百證賦云。遠達陽陵。治半身不遂。○又云。兼少衝。治發熱驗。

席弘賦云。兼合谷。治兩手不如意。

千金云。治瘦惡氣。諸癰疹。灸隨年壯。○又十三鬼穴。此名鬼臣。若遇百邪癩狂。當於第十二次下火鍼。

千金十一穴云。此與合谷可徹頭疼。

秦承祖明堂云。主大人小兒遍身風疹癩疥。

馬丹陽天星十二穴云。善治肘中痛。偏風手不

收。挽弓開不得。臂瘕莫梳頭。喉痺促欲死。發

熱更無休。遍身風癰癩。鍼着即時瘳。

肘髎 在肘大骨外廉陷中。與天井相並。相去一

寸四分。○刺三分。灸三壯。

主治肘節風痺。臂痛不舉。麻木不仁。嗜臥。

五里 在肘上三寸。行向裏。太脉中央。一云在天

府下五寸。○禁刺。灸三壯。一日十壯。○玉版篇

曰。迎之五里。中道而止。五至而已。五往而藏之。

氣盡矣。小鍼解曰。奪陰者死。言取尺之五里五

往者也。皆謂此穴。

主治風勞驚恐。吐血欬嗽。嗜臥。肘臂疼痛難動。

脹滿氣逆。寒熱瘰癧。目視眩眩。痰瘧。

百證賦云。兼臂臑。能愈瘰癧。

臂臑 在肘上七寸。胭肉端。肩髃下一寸。兩筋兩

骨罅宛宛陷中。平手取之。○手陽明絡也。絡手

少陽之臑會。一日手足太陽陽維之會。○刺三

分。灸三壯。明堂禁刺。灸七壯。一日灸至百壯。主治臂痛無力。寒熱瘰癧。頸項拘急。千金云。治瘰氣。灸隨年壯。

百證賦云。兼五里。能愈瘰癧。

肩髃

一名中肩井 一名偏肩

在膊骨頭肩端上。兩骨罅陷

中。舉臂取之有空。○手太陽陽明陽蹻之會。一曰足少陽陽蹻之會。○刺六分。留六呼。灸三壯。至七七壯。以瘥為度。

主治中風偏風半身不遂。肩臂筋骨痠痛不能上頭。傷寒作熱不已。勞氣泄精憔悴。四支熱。諸瘰氣瘰癧。昔有病風痺。臂痛無力。不能挽弓。甄權於此進鍼即可射。○此穴若灸偏風不遂。自七壯至七七壯止。不可過多。恐致臂細。若風病筋骨無力。久不瘥。當多灸。不畏細也。然灸不如刺。忌酒肉五辛漿水。○此穴主寫四支之熱。與雲門委中腰俞治同。千金云。灸瘰氣左右相當。男左十八右十七壯。女右十八左十七壯。再三以差止。

玉龍賦云可療風濕搏於兩肩。

天星秘訣云手臂攣痛取肩髃。

百證賦云兼陽谿能消癰風之熱極。

巨骨 在肩尖上行兩叉骨間陷中。○手陽明陽

蹻之會。○刺一寸五分。灸三壯。五壯。一曰禁刺。

主治驚癇吐血。胃中有瘀血。臂痛不得屈伸。

天鼎 在頸中缺盆上直扶突後一寸。甲乙經曰

直扶突氣舍後一寸五分。氣府論註曰在扶突

後半寸。○刺三分。灸三壯。

主治喉痺噤腫不得食。暴瘖氣哽。

百證賦云兼間使治失音。

扶突

一名水穴

在頸當曲頰下一寸。甲乙經曰在人

迎後一寸五分。仰而取之。一云氣舍後一寸五

分。○由此上貫頰入下齒中。○刺四分。灸三壯。

甲乙經曰刺三分。

主治欬嗽多唾。上氣喘息。喉中如水雞。暴瘖氣

破項癭。

禾膠

一名長頻

直鼻孔下。夾水溝旁五分。○刺三分。

灸三壯。

主治尸厥口不可開。鼻瘡息肉。鼻塞欬衄。

靈光賦云刺兩鼻翕衄。

迎香一名衝陽

在禾膠上一寸。鼻孔旁五分。○手足

陽明之會。○刺三分禁灸。

主治鼻塞不聞香臭。瘰肉多涕。有瘡欬衄。喘息

不利。偏風喎斜。浮腫風動。面癢狀如蟲行。

玉龍賦云能消眼熱之紅。○又攻鼻室為最。

席弘賦云耳聾氣痞。鍼聽會。更寫此穴。

### 足陽明胃經穴

#### 胃經穴歌

四十五穴足陽明。承泣四白巨膠經。地倉大迎  
 登頰車。下關頭維對人迎。水突氣舍連缺盆。氣  
 戶庫房屋翳屯。膺窻乳中下乳根。不容承滿出  
 梁門。關門太乙滑肉起。天樞外陵大巨裏。水道  
 歸來達氣衝。髀關伏兔走陰市。梁丘犢鼻足三  
 里。上巨虛連條口底。下巨虛下有豐隆。解谿衝  
 陽陷谷同。內庭厲兌陽明穴。大指次指之端終。

承泣 一名面膠 一名翳穴

在目下七分。上直瞳子陷中。○

陽蹻任脉足陽明三脉之會。○刺三分。禁灸。一

曰禁不宜鍼。

主治冷淚出瞳子癢。遠視眈眈。昏夜無見。口眼

喎斜。

四白 在目下一寸。直瞳子。向頰骨顴空正視取

之。○刺三分。禁灸。○甲乙經曰。灸七壯。一日下

鍼宜慎。若深即令人目烏色。

主治頭痛目眩。目赤生翳。睛動流淚。眼弦癢。口

眼喎僻不能言。

巨膠 夾鼻孔旁八分。直瞳子。○陽蹻足陽明之

會。○由此入上齒中。復出循地倉。○刺三分。灸

七壯。

主治瘰癧。脣頰腫痛。口喎目瞤。青盲無見。遠視

眈眈。面風鼻頤腫。脚氣膝脛腫痛。

百證賦云。兼腎俞。治胃膈停留瘀血。

地倉 一名會維

夾口吻旁四分。外如。近下微有動脉。

若久患風。其脉亦有不動者。○手足陽明任脉

陽蹻之會。○刺三分。留五呼。灸七壯。或二七壯。重者七七壯。病左治右。病右治左。艾炷宜小如麤釵脚。若過大口反囁。却灸承漿即愈。

主治偏風口眼歪斜。牙關不開。齒痛頰腫。目不得閉。失音不語。飲食不收。水漿漏落。眼瞶動。遠視眩暈。昏夜無見。

靈光賦云地倉能止口流涎。

玉龍賦云兼頰車療口喎。

大迎

一名髓孔

在曲頰

頰。腮下也。

前一寸三分。骨陷中動

脉。○本經自大迎循頰車。上耳前下關頭維。其支者從大迎前下人迎。○寒熱病篇曰。臂陽明有人鳩偏齒者。名曰大迎。則此為手足陽明之會。○刺三分。留七呼。灸三壯。

主治風瘰口瘡。口噤不開。唇吻瞶動。頰腫牙痛。舌強不能言。目痛不得閉。口喎數欠。風壅面腫。寒熱瘰癧。

百證賦云兼顴膠治目眩。

頰車

一名機關。一名曲牙。

在耳下曲頰端。近前陷中。側臥



開口取之。○刺三分。灸三壯。一日灸七壯。至七  
七壯。炷如小麥。

主治中風牙關不開。失音不語。口眼歪斜。頰腫  
牙痛。不可嚼物。頸強不得回顧。凡口眼喎斜  
者。喎則左寫。右補。斜則左補。右寫。

靈光賦云。鍼齒痛。

玉龍賦云。兼地倉療口喎。

下關 在客主人下。耳前動脈下廉。合口有空。開  
口則閉。側臥閉口取之。○足陽明少陽之會。

刺三分。留七呼。灸三壯。○本輸篇曰。刺之則欠  
不能吐者。此也。耳中有乾槌。禁不可灸。一日不

可久留鍼。

槌一作  
槌音槌

主治偏風口眼喎斜。耳鳴耳聾。痛癢出膿。失欠

牙關脫臼。

頭維 在額角入髮際。夾本神旁一寸五分。神庭  
旁四寸五分。○足少陽陽明之會。○刺三分。沒  
皮向下。禁灸。

主治頭風疼痛如破。目痛如脫。淚出不明。

玉龍賦云兼攢竹能治目疼頭痛。百證賦云兼臨泣可治淚出。

人迎一名天五會在頸下夾結喉旁一寸五分大動

脉應手仰而取之。○足陽明少陽之會。○甲乙

經曰夾結喉以候五藏氣。○禁灸氣府論註曰

刺可入四分過深殺人。

主治吐逆霍亂胃滿喘呼不得息項氣悶腫食

不下鍼入四分。

天星秘訣云耳鳴腰痛先此後耳門及三里。

水突一名水門在頸大筋前直人迎下夾氣舍上內

貼氣喉。○刺三分灸三壯。

主治欬逆上氣咽喉癰腫短氣喘息不得臥

氣舍在頸大筋前直人迎下夾天突邊陷中貼

骨尖上有缺。○刺三分灸五壯。

主治欬逆上氣肩腫項強不能回顧喉痺哽咽

食飲不下癭瘤。

缺盆一名天蓋在肩上橫骨陷者中。○為五藏六府

之道。○刺三分留七呼灸三壯刺太深令人逆

息。○孕婦禁鍼。

主治喘急息賁。欬嗽。胃滿水腫。瘰癧寒熱。缺盆中腫外潰。傷寒胃中熱不已。喉痺汗出。

一曰主寫胃中之熱。治與大杼中府風府同。

氣戶 在巨骨下。夾俞府兩旁各二寸。去中行四寸陷中。仰而取之。○刺三分。灸三壯五壯。

主治欬逆上氣。胃背痛。支滿喘急不得息。不知味。

六 席弘賦云此穴攻疇若不愈兼灸氣海。

百證賦云兼華蓋穴除脇肋痛有驗。

庫房 在氣戶下一寸六分。去中行四寸陷中。仰而取之。○刺三分。灸三壯五壯。

主治胃脇滿。欬逆上氣。呼吸不利。唾膿血濁沫。屋翳 在庫房下一寸六分。去中行四寸陷中。仰

而取之。○刺三分。灸五壯。

主治欬逆上氣。唾膿血濁痰。身腫。皮膚痛不可近衣。淫灤。瘕瘕不仁。

百證賦云兼至陰穴。治遍身風癢之疼多。

膺窻 在屋翳下一寸六分。巨骨下四寸八分。去中行四寸陷中。仰而取之。○刺四分。灸五壯。

主治胃滿短氣不得臥。腸鳴注泄。乳癰寒熱。

乳中 當乳之中。○微刺禁灸。甲乙經曰。禁不可刺。氣府論注曰。刺灸之生蝕瘡。瘡中有清汁膿血者可治。瘡中有瘕肉若蝕瘡者死。

一傳胎衣不下。以乳頭向下盡處。俱灸之。即下。

乳根 在乳中下一寸六分。去中行四寸陷中。仰而取之。○刺三分。灸三壯五壯。

主治胃下滿痛。臂痛乳痛。凄凄寒熱。霍亂轉筋。

四厥

神農經云。治胃下滿痛。上氣喘急。可灸七壯。

玉龍賦云。兼俞府。治氣嗽痰哮。

捷徑云。治憂噎。

華陀明堂云。主膈氣不下。食噎病。

千金云。治反胃吐食。上氣。灸兩乳下各一寸。以

瘡為度。

居家必用云。灸欬逆。凡火病得欬逆。最為惡候。

其法於乳下一指許。正與乳相直間陷中。女人即屈乳頭度之。乳頭齊處是穴。艾炷如小豆許。灸三壯。男左女右。火到肌即瘥。不瘥則不可治。

不容 在第四肋端。幽門旁一寸五分。去中行二寸。對巨闕。甲乙經曰。去任脉二寸。至兩肘端相去四寸。○按甲乙經曰。腹自不容以下至氣衝二十四穴。夾幽門兩旁各一寸五分。諸書皆同。及考幽門則止。去中行五分。是不容以下諸穴。

當去中行二寸。而諸云三寸者非。今悉改為二寸。○刺五分。灸五壯。

主治腹滿。痞癖。胃背肩脇引痛。心痛。唾血。喘嗽。嘔吐。痰癖。腹虛鳴。不嗜食。疝瘕。

承滿 在不容下一寸。去中行二寸。對上腕。○刺三分。灸五壯。甲乙經云。刺八分。

主治腹脹。腸鳴。脇下堅痛。上氣喘急。食飲不下。肩息。隔氣。唾血。

千金云。夾巨闕相去五寸。名承滿。主腸中雷鳴。

相逐痢下。灸五十壯。

梁門 在承滿下一寸。去中行二寸。對中脘。○刺

三分。灸五壯。甲乙經作刺八分。○孕婦禁灸。

主治胃脇積氣。飲食不思。氣塊疼痛。大腸滑泄

完穀不化。可灸七壯。至二十一壯。

關門 在梁門下一寸。去中行二寸。對建里。○刺

八分。灸五壯。一云五分三壯。

主治積氣脹滿。腸鳴切痛。泄痢不食。走氣俠臍

急痛。痰瘧振寒。遺溺。

太乙 在關門下一寸。去中行二寸。對下脘。○刺

八分。灸五壯。一云五分三壯。

主治心煩癩狂吐舌。

滑肉門 在太乙下一寸。天樞上一寸。去中行二

寸。對水分。○刺八分。灸五壯。一云五分三壯。

主治癩狂嘔逆吐血。重舌強。

天樞 一名長谿 一名穀門 夾臍旁二寸。去育俞一寸五分

陷中。○大腸募也。○刺五分。留七呼。灸五壯。按

萃云百壯。○千金云魂魄之舍不可鍼。孕婦不

可灸。

主治奔豚泄瀉。赤白痢水痢不止。食不化。水腫  
腹脹腸鳴。上氣衝胃不能久立。久積冷氣遶  
臍切痛。時上衝心。煩滿嘔吐霍亂寒瘧。不嗜  
食。身黃瘦。女人癥瘕血結成塊。漏下月水不  
調。淋濁帶下。

千金云久冷及婦人癥瘕。小便不通。腸鳴瀉痢。  
繞臍絞痛。灸百壯三報之。○又云吐血腹痛。  
雷鳴灸百壯。○又云狂言恍惚灸百壯。○又  
云霍亂先下痢。灸二七壯。不瘥更二七壯。男  
左女右。

標幽賦云治虛損。

百證賦云兼水泉治月潮違限。

一傳治夾膝疼痛。腹中氣塊。久瀉不止。虛損勞  
弱。可灸二十一壯。

外陵 在天樞下一寸。去中行二寸。對陰交。○刺  
三分。灸五壯。甲乙經作刺八分。  
主治腹痛。心下如懸。下引臍痛。

大巨一名腋門

在天樞下二寸。去中行二寸。對石門。

○刺五分。灸五壯。甲乙經刺八分。

主治小腹脹滿。煩渴。小便難。癢疝。四支不收。驚悸不眠。

水道 在大巨下三寸。去中行二寸。○刺一寸五

分。灸五壯。一日刺八分半。

主治肩背強急。痠痛。三焦膀胱腎氣熱結。大小便不利。疝氣偏墜。婦人小腹脹痛。引陰中。月經至則腰腹脹痛。胞中瘕。子門寒。

千金云主三焦膀胱腎中熱氣。灸隨年壯。

百證賦云。兼筋縮。專治脊強。

歸來一名谿穴

在水道下二寸。去中行二寸。○刺八

分。灸五壯。一日刺二分半。

主治奔豚九疝。陰丸上縮。入腹引痛。婦人血藏積冷。

氣衝一名氣衝

在歸來下。鼠谿上一寸。動脈應手宛

宛中。去中行二寸。骨空論王氏註曰。在毛際兩旁。鼠鼯上一寸。脈動處也。○刺禁論王氏註曰。



氣街之中。膽胃脉也。膽之脉循脇裏。出氣街繞毛際。胃之脉夾臍入氣街中。○衝脉所起。○刺三分。留七呼。灸七壯。甲乙經曰。灸之不幸使人不得息。一云禁不可鍼。艾炷如大麥。

主治逆氣上攻。心腹脹滿。不得正臥。奔豚癩疝。淫灤。大腸中熱。身熱腹痛。陰腫莖痛。婦人月水不利。小腹痛無子。妊娠子上衝心。產難胞衣不下。○一云此穴主寫胃中之熱。與三里巨虛上下廉同。

千金云。治石水。灸然谷。氣衝。四滿。章門。百證賦云。兼衝門。治帶下產崩。

東垣曰。主血多諸證。以三稜鍼刺此穴。出血立愈。

髀關 在膝上。伏兔後。交文中。一云在膝上一尺二寸。○刺六分。灸三壯。一云刺三分。禁灸。

主治腰痛。膝寒。足麻木不仁。黃疸。痿痺。股內筋絡急。小腹引喉痛。

伏兔 在膝上六寸。起肉間。正跪坐而取之。一云

在膝蓋上七寸。左右各三指按捺。上有肉起如兔狀。因以此名。○刺五分。禁灸。○千金云。狂邪鬼語。灸百壯。亦可五十壯。

主治脚氣。膝冷不得温。風痺。婦人八部諸疾。

陰市

一名陰鼎

在膝上三寸。伏兔下陷中。拜而取之。

一云在膝內輔骨後。大筋下。小筋上。屈膝得之。

○刺三分。留七呼。禁灸。○刺腰痛論註曰。伏兔下陷者中。灸三壯。卽此。

主治腰膝寒如注水。痿痺不仁。不得屈伸。寒疝。

小腹痛滿。少氣。

千金云。水腫大腹。灸隨年壯。

玉龍賦云。兼風市。能驅腿足之乏力。

通玄賦云。膝脰痛。陰市能醫。

靈光賦云。專治兩足拘攣。

席弘賦云。心疼手顫。少海間。若要除根。覓陰市。

梁丘 在膝上二寸。兩筋間。○足陽明郄。○刺三

分。灸三壯。

主治脚膝痛。冷痺不仁。不可屈伸。足寒。大驚。乳

腫痛。

神農經云。治膝痛屈伸不得。可灸三壯七壯。

犢鼻。在膝髓下。胛骨上。骨解大筋陷中。形如牛

鼻。故名。一曰在膝頭下。近外窟解中。○刺六分。

灸三壯。一曰刺三分。○刺禁論曰。刺膝髓出液

爲跛。故刺此者不可輕也。

主治膝痛不仁。難跪起脚氣。若膝髓癰腫潰者

不可治。不潰者可療。若犢鼻堅韌。勿便攻之。

先用洗熨而後微刺之愈。

靈光賦云善治風邪濕。

三里

卽下陵出  
本輸篇

在膝眼下三寸。胛骨外廉。大筋

內宛宛中。坐而豎膝低跗取之。極重按之則跗

上動脈止矣。○足陽明所入爲合。○刺五分。留

七呼。灸三壯。千金云。灸二百壯至五百壯。○一

云小兒忌灸三里。三十外方可灸。不爾反生疾。

○秋月不宜出血。恐土虛也。

主治胃中寒。心腹脹痛。逆氣上攻。藏氣虛憊。胃

氣不足。惡聞食臭。腹痛腸鳴。食不化。大便不

通。腰痛膝弱不得俯仰。小腸氣。○此穴主寫胃中之熱。與氣衝巨虛上下廉同。

秦承祖曰。諸病皆治。食氣水氣。蠱毒痔瘡。四支腫滿。膝胫痠痛。目不明。

華陀云。療五勞七傷。羸瘦虛乏。瘰癧乳癰。

外臺明堂云。人年三十已外。若不灸三里。令氣上衝目。使眼無光。蓋以三里能下氣也。

一傳心疼者。灸此穴。及承山立愈。以其中有瘀血。故寫此則愈。

千金云。三里內庭。治肚腹病妙。○又身重腫坐不欲起。風勞脚疼。灸五十壯。刺五分補之。○又邪病大呼罵走。三里主之名鬼邪。

神農經云。治心腹脹滿。胃氣不足。飲食不化。痞氣塊吐血。腹內諸疾。五勞七傷。灸七壯。

太乙歌云。兼束骨。刺治項強腫痛。體重腰癱。

玉龍賦云。兼絕骨三陰交。能治連延脚氣。○又治心悸虛煩。○又兼水分陰交。蠱脹宜刺。○

又合太衝中封。治行步艱楚。

百證賦云兼陰交治中邪霍亂。

靈光賦云治氣上壅。○又兼陽陵陰陵申脉照

海治脚氣及在腰之疾。

席弘賦云治手足上下疾亦治食癖氣塊。○又

云虛喘宜尋三里中。○又胃中有積刺璇璣

此穴功亦多。○又氣海專治五淋又須鍼三

里。○又治耳內蟬鳴腰欲折須兼五會補寫

之始妙。○又云若鍼肩井須三里不刺之時

氣未調。○又治腰連胯痛。○又治脚腫脚痛

須兼懸鍾陽陵陰陵三陰交太衝行氣并治

指頭麻木。○又腕骨腿疼寫此穴。○又兼風

府鍼度淺深更尋三里治膀胱氣未散。

通玄賦云能却五勞之羸瘦。○又云治冷痺。

捷法云治食不充肌。

天星秘訣云耳鳴腰痛先五會後耳門三里。○

又云胃停宿食後尋三里起璇璣。○又云兼

二間治牙疼頭痛并喉痺。○又云兼期門治

傷寒過經不出汗。

四總穴云肚腹三里留。

馬丹陽天星十二穴云能除心脇痛。腹脹胃中寒。腸鳴并泄瀉。眼腫膝脛痠。傷寒羸瘦損氣。蠱及諸般年過三旬後。鍼灸眼光全。○增治法云。治五勞七傷。腰痛不舉。喉痺。脇間暴痛。不得息。欬嗽多痰。足痿足熱。腹中瘀血水腫。陰氣不足。熱病汗不出。喜嘔。口乾。身反折。口噤。鼓頷。胃氣不足。聞食即吐。泄痢水穀不化。消渴。遺尿。失氣。陽厥惡寒。頭眩。小便不利。悉

宜鍼灸。

上巨虛

一名巨虛上廉

在三里下三寸。兩筋骨陷中。舉

足取之。○海論曰。衝脉者。其輸下出於巨虛之

上下廉。○巨虛上廉足陽明與大腸合。

上廉屬大腸下

廉屬小腸。出本輪篇。及邪氣藏府病形篇。○刺三分。灸三壯。甲乙經

作刺八分。千金云灸以年為壯數。

主治藏氣不足。偏風脚氣。腰腿手足不仁。足脛痠。骨髓冷疼。不能久立。俠臍腹痛。腸中切痛。殮泄食不化。喘息不能行。腹脇支滿狂走。

此穴主寫胃中之熱。與氣衝三里下巨虛治同。

條口 在三里下五寸。下廉上一寸。舉足取之。○刺五分。灸三壯。甲乙經云刺八分。

主治足膝麻木。寒痠腫痛。跌腫轉筋濕痺。足下熱。足緩不收。不能久立。

天星秘訣云。兼衝陽絕骨。治足緩難行。

下巨虛 一名巨虛下廉 在上廉下三寸。兩筋骨陷中。蹲

地舉足取之。○巨虛下廉。足陽明與小腸合。又

為衝脉下輸。○刺三分。灸三壯。一日刺八分。

主治胃中熱。毛焦肉脫。汗不得出。少氣不嗜食。

暴驚狂言。喉痺。口無顏色。胃脇痛。飧泄。膿血

小腸氣。偏風腿痿。足不履地。熱風風濕冷痺。

肝腫足跗不收。女子乳癰。○此穴主寫胃中

之熱。與氣衝三里上巨虛同。

豐隆 在外踝上八寸。下廉胛骨外廉陷中。○足

陽明絡。別走太陰。○刺三分。灸三壯。

主治頭痛面腫。喉痺不能言。風逆癲狂。見鬼好

笑厥逆胃痛如刺。大小便難。怠惰。腿膝痠痛。屈伸不便。腹痛肢腫。足清寒濕。

太乙歌云。兼上腕刺。心疼嘔吐。傷寒吐蚘。

玉龍賦云。兼肺俞治痰嗽。○又云。合湧泉關元。

可治屍勞。

席弘賦云。專治婦人心痛。

百證賦云。兼強間。治頭痛難禁。

解谿 在衝陽後一寸五分。足腕上繫鞋帶處陷

中。一曰在足大指次指直上跗上陷者宛宛中。

刺瘡論註曰。在衝陽後三寸半。氣穴論註曰。二

寸半。甲乙經曰。一寸半。○足陽明所行為經。○

刺五分。留五呼。灸三壯。

主治風氣面浮。頭痛目眩。生翳。厥氣上衝。喘欬

腹脹。顛疾煩心。悲泣驚瘈。轉筋霍亂。大便下

重。股膝胛腫。又寫胃熱。善饑不食。食即支滿

腹脹。及療瘡瘻寒熱。須兼刺厲兌。三里解谿

商丘出血。

神農經云。治腹脹脚腕痛。目眩頭疼。可灸七壯。



玉龍賦云兼商丘丘墟堪追脚痛。百證賦云兼陽谷治驚悸怔忡。

一傳腹虛腫及足脛虛腫灸之效。○一傳氣逆發噎將死灸之效。

衝陽一名會原即仲景所謂跌陽也在足跗上五寸高骨間動

脉去陷谷二寸。○足陽明所過為原。○刺三分留十呼。灸三壯。○刺禁論曰刺跗上中大脉血出不止死即此穴也。

主治偏風面腫口眼喎斜齒齲傷寒發狂振寒

汗不出版堅大不嗜食發寒熱足痿跗腫或

胃瘧先寒後熱喜見日月光得火乃快然者於方熱時刺之出血立寒。

天星秘訣云兼條口絕骨治足緩難行。

陷谷在足大指次指外間本節後陷中去內庭

內二寸。○足陽明所注為膈。○刺五分留七呼。灸三壯。一日刺三分。

主治面目浮腫及水病善噫腸鳴腹痛汗不出振寒痲瘡疝氣少腹痛或胃脉弦者寫此則

水平而胃氣自盛。

千金云治水病。灸隨年壯。

百證賦云兼下腕。能平腹內腸鳴。

內庭 在足大指次指外間陷中。○足陽明所溜

為榮。○刺三分。留十呼。灸三壯。甲乙經云刺二

分。留二十呼。

主治四支厥逆。腹滿不得息。惡聞人聲。振寒咽

痛。口喎。齒齲鼻衄。癢疹。赤白痢。瘧不嗜食。

一傳主療久瘧不愈并腹脹。

玉龍賦云兼臨泣。能理小腹之腹。

通玄賦云治腹膨休遲。

千金十一穴云。三里內庭。治肚腹病妙。

捷經云治石蠱。○又云大便不通宜寫此。

天星秘訣云兼合谷。治寒瘧面腫及腸鳴。

馬丹陽天星十二穴云。能治四支厥。喜靜惡聞

聲。癢疹咽喉痛。數欠及牙疼。瘧疾不思食。耳

鳴。鍼便清。

厲兌 在足大指次指端。去爪甲如韭葉。○按本

輸篇曰。厲兌者。足大指內。次指之端也。經脈經筋等篇俱云中指。繆刺篇曰。邪客於足陽明之絡。刺足中指次指爪甲上各一痛。據此諸篇之說。可見中指次指之間。皆陽明脈氣所發也。○足陽明所出爲井。○刺一分。留一呼。灸一壯。○主治尸厥。口噤氣絕。狀如中惡。心腹滿水。腫熱。病汗不出。寒熱瘧。不食。面腫喉痺。齒齲。惡風。鼻不利。多驚發狂。好臥。足寒膝臏腫痛。百證賦云。與隱白相諧。治夢魘不寧。

足太陰脾經穴

脾經穴歌

足太陰脾由足拇。隱白先從內側起。大都太白繼公孫。商丘直上三陰鳩。漏谷地機陰陵泉。血海箕門衝門前。府舍腹結大橫上。腹哀食竇天谿連。胃鄉周容大包盡。二十一穴太陰全。○隱白 在足大指內側端。去爪甲角如韭葉。○足太陰所出爲井。○刺一分。留三呼。灸三壯。主治腹脹喘滿不得臥。嘔吐食不下。胃中痛。煩

熱暴泄。衄血。尸厥不識人。足寒不得溫。婦人月事過時不止。刺之立愈。小兒客忤驚風。

百證賦云兼厲兌治夢魘不寧。

大都 在大指本節後內側骨縫白肉際陷中。○

足太陰所溜為榮。○刺三分。留七呼。灸三壯。

主治熱病汗不出。不得臥。身重骨痛。傷寒手足

逆冷。腹滿嘔吐悶亂。腰痛不可俛仰。四支腫

痛。凡婦人孕不論月數。及生產後未滿百日。

俱不宜灸。

千金云治大便難。灸隨年壯。○又霍亂下瀉不

止。灸七壯。

席弘賦云兼橫骨。治氣滯腰痛不能立。

百證賦云兼經渠。治熱病汗不出。

太白 在足大指後內側核骨下。赤白肉際陷中。

○足太陰所注為腧。即原也。○刺三分。留七呼。

灸三壯。

主治身熱煩滿。腹脹食不化。嘔吐瀉痢膿血。腰

痛。大便難。氣逆霍亂。腹中切痛。腸鳴。膝股脘

痠轉筋身重骨痛。玉龍賦云治痔漏。通玄賦云能宣導於氣衝。

公孫在足大指內側本節後一寸內踝前陷中。

正坐合足掌相對取之。○太陰絡別走陽明。

刺四分留七呼。灸三壯。甲乙經曰留二十呼。

主治寒瘧不食。痢氣好大息。多寒熱汗出喜嘔。

卒面腫。心煩多飲。膽虛腹虛。水腫腹脹如鼓。

脾冷胃痛。○又雲

神農經云治腹脹心疼。可灸七壯。

席弘賦云治肚疼。須兼內關相應。

標幽賦云。脾冷胃疼。寫公孫而立愈。

攔江賦云。兼照海。治傷寒四日太陰經。再行內

關施截法。

截法云治九種心疼。一切冷氣痰涎隔悶。胃中

隱痛。臍腹脹滿。氣不消化。脇肋下痛。起坐艱

難。泄瀉不止。裏急後重。胃中刺痛。兩脇脹滿

氣攻疼痛。中滿不快。翻胃吐食。氣隔五噎。飲

食不下。胃脘停痰。口吐清水。中脘停食。疼刺  
不已。嘔吐痰涎。眩暈不止。心瘧令人心內怔  
忡。肝瘧令人氣色蒼蒼。惡寒發熱。脾瘧令人  
怕寒。腹中痛。肺瘧令人心寒驚怕。腎瘧令人  
洒淅寒熱。腰脊強痛。瘧疾大熱不退。或先寒  
後熱。及先熱後寒。瘧疾心胃疼痛。瘧疾頭痛  
眩暈。吐痰不已。瘧疾骨節痠痛。瘧疾口渴不  
已。胃瘧令人善噦而不能食。膽瘧令人惡寒  
驚怕。睡臥不安。黃汗疽。四支俱腫。汗出染衣。

黃疽遍身皮膚黃。及面目小便俱黃。穀疽食  
畢則頭眩。心中拂鬱。酒疽身目俱黃。心中俱  
痛。面發赤斑。小便赤黃。女勞疽身目俱黃。發  
熱惡寒。小便不利。○已上凡三十證。先以公  
孫爲主治。然後隨證取各穴應之。

商丘 在內踝下微前陷中。前有中封。後有照海。  
此穴居中。內踝下有橫文如偃口形。○足太陰  
所行爲經。○刺三分。留七呼。灸三壯。  
主治胃脘痛。腹脹腸鳴。不便。脾虛令人不樂。身

主寒善太息。心悲氣逆。喘嘔舌強。脾積痞氣。黃疸寒瘧。體重支節痛。怠惰嗜臥。骨疽痔疾。陰股內痛。狐疝走引小腹疼痛。不可俛仰。神農經云。治脾虛腹脹胃脘痛。可灸七壯。玉龍賦云。兼解谿丘墟。堪追脚痛。

百證賦云。專治痔漏最良。三陰交。在內踝上陰踝三寸。骨下陷中。○足三陰之交會。○刺三分留七呼。灸三壯。妊娠不可刺。

主治脾胃虛弱。心腹脹滿。不思飲食。脾病身重。四支不舉。飧泄痢血。痿痺臍下痛。不可忍。中風卒厥。不省人事。膝內廉痛。足痿不行。凡女人產難。月水不禁。赤白帶下。先寫後補。小腸疝氣。偏墜木腎腫痛。小便不通。渾身浮腫。先補後寫。

千金云。內踝上三寸。絕骨宛宛中。灸五十壯。主欬逆虛勞。寒損憂恚。筋骨攣痛。又主心中欬逆。洩注腹滿。喉痺項頸滿。腸痔逆氣。痔血陰。

急鼻衄。骨瘡。大小便澁。鼻中乾燥。煩滿狂易。走氣。凡二十二種病。皆當灸之也。○又云男女夢與人交。洩精。三陰交灸五壯。喜夢洩神良。○又治霍亂手足逆冷。灸七壯。不瘥更七壯。○又治勞淋。灸百壯。三報之。○又痔疾。刺入三分。亦主大便不利。○又治氣癩。水癩。卵偏大。上入腹。灸隨年壯。

玉龍賦云。兼三里絕骨。治連延脚氣。○百證賦云。兼鍼氣海。專司白濁久遺精。

席弘賦云。冷嗽宜補合谷。却須寫此穴。○又云脚痛膝腫。鍼三里。又須兼懸鍾。二陵。三陰交。太衝引氣。并治指頭麻木。

天星秘訣云。兼合谷。治脾病血氣。○又云兼承山。治胃膈痞滿。飲食自喜。

乾坤生意云。兼大敦。治小腸疝氣。

昔有宋太子善醫術。出逢一妊婦。太子診之曰。是一女也。徐文伯亦診曰。此一男一女也。太子性急。欲剖視之。文伯曰。臣能鍼而落之。為





寫三陰交。補手陽明合谷。應鍼而落。果如文伯之言。故妊娠不可刺此穴。且能落死胎。

漏谷 一名太陰絡

在內踝上六寸。骨下陷中。○刺三分。留七呼。灸三壯。

主治膝痺脚冷不仁。腸鳴腹脹。疝瘕冷氣。小腹

痛。飲食不為肌膚。小便不利失精。

地機 一名脾舍

在膝下五寸。內側骨下陷中。伸足取

之。一曰在別走上一寸。孔在膝下五寸。○足太

陰郤○刺三分。灸五壯。

主治腰痛不可俛仰。澹泄腹脹。水腫不嗜食。精

不足。小便不利。足痺痛。女子癥瘕。

百證賦云兼血海。治婦人經事之改常。

陰陵泉 在膝下內輔骨下陷中。伸足取之。或曲

膝取之。與少陽經陽陵泉內外相對。一曰稍高

一寸。○足太陰所入為合。○刺五分。留七呼。灸

三壯。

主治腹中寒痛。脹滿喘逆不得臥。小便不利。氣

淋寒熱不節。腰痛不可俛仰。霍亂痢瘕。遺尿

泄瀉。陰痛足膝紅腫。

神農經云。治小便不通。疝瘕。可灸七壯。不汗。

千金云。小便失禁。不覺刺五分。灸隨年壯。○又

水腫不得臥。灸百壯。

玉龍賦云。兼陽陵。治膝腫之難消。

太乙歌云。腸中切痛。陰陵調。

靈光賦云。治脚氣。

席弘賦云。治心胃滿。兼承山。飲食自思。○又云

脚痛膝腫。鍼三里。又須兼懸鍾。二陵。三陰交。

太衝行氣。并治指頭麻木。

百證賦云。兼水分。能去水腫。臍盈。

通玄賦云。能開通水道。

天星秘訣云。若是小腸連臍痛。先刺陰陵。後湧

泉。

血海 一名百蟲窠

在膝臏上一寸內廉白肉際陷中。

一云在膝內輔骨上。橫入五分。○刺五分。灸五

壯。

主治女子崩中漏下。月事不調。帶下逆氣。腹脹。

先補後寫。又主腎藏風兩腿瘡癢濕不可當。  
 百證賦云兼地機治婦人經事之改常。○又云  
 兼衝門治痲痺有驗。  
 靈光賦云兼氣海療五淋。  
 箕門 在魚腹上越兩筋間陰股內廉動脈應手。  
 一云股上起筋間。○甲乙經曰太陰內市。○刺  
 三分留六呼。灸三壯。一云禁刺。  
 主治小便不通遺尿鼠鼯腫痛

衝門

一名慈宮

上去大橫五寸在府舍下橫骨兩端

約文中動脈去腹中行三寸半。○足太陰厥陰  
 之會。○刺七分。灸五壯。

主治中寒積聚淫瀼陰疝妊娠衝心難乳。

百證賦云兼氣衝治帶下產崩。○又云兼血海

治痲痺。

府舍 在腹結下三寸去腹中行三寸半。○足厥  
 陰太陰陰維之會。○甲乙經曰此脉上下入腹  
 絡胃結心肺從脇上至肩此太陰郄三陰陽明  
 支別。○刺七分。灸五壯。

主治疝癖。腹脇滿痛。上下搶心。積聚痺痛。厥氣

霍亂。

腹結一名腹屈

在大橫下一寸三分。去腹中行三寸

半。○刺七分。灸五壯。

主治欬逆。遶臍腹痛。中寒瀉痢。心痛。

大橫 在腹哀下三寸五分。平臍。去中行三寸半。

○足太陰陰維之會。○刺七分。灸五壯。

主治大風逆氣。四支不舉。多寒善悲。

千金云主多寒洞痢。四支不舉。灸隨年壯。○又

云多汗。四支不舉。少力。灸橫文五十壯。在俠

臍相去七寸。亦屬此穴。

百證賦云兼天衝穴。治反張悲哭。

腹哀 在日月下一寸五分。去腹中行三寸半。○

足太陰陰維之會。○刺三分。灸五壯。甲乙經云

刺七分。

主治寒中。食不化。大便膿血腹痛。

食竇 在天谿下一寸六分陷中。舉臂取之。○刺

四分。灸五壯。

主治胃脇支滿。欬唾逆氣。飲不下。膈有水聲。

天谿 在胃鄉下一寸六分陷中。仰而取之。○刺

四分。灸五壯。

主治胃滿喘逆上氣。喉中作聲。婦人乳腫。賁癰。

胃鄉 在周榮下一寸六分陷中。仰而取之。○刺

四分。灸五壯。

主治胃脇支滿。引背痛。不得臥轉側。

周榮 在中府下一寸六分陷中。仰而取之。○刺

四分。灸五壯。

主治胃滿不得俛仰。欬逆食不下。

大包 在淵腋下三寸。○脾之大絡。布胃脇中。出

九肋間。及季脇端。總統陰陽諸絡。由脾灌溉五

藏。○刺三分。灸三壯。

主治胃中喘痛。腹有大氣不得息。實則其身盡

寒。虛則百節皆縱。

手少陰心經穴

心經穴歌

手少陰心起極泉。青靈少海靈道全。通里陰郄神門下。少府少衝小指邊。

極泉 在臂內腋。下筋間動脈入胃中。○刺三分。

灸七壯。

主治心脇滿痛。肘臂厥寒。四支不收。乾嘔煩渴。

目黃。

青靈 在肘上三寸。伸肘舉臂取之。○滑氏曰。自

青靈穴。○甲乙經無此穴。○灸三壯。

主治頭痛目黃振寒脇痛肩臂不舉。

少海

一名曲節

在肘內廉節後陷中。又云肘內大骨

下。去肘端五分。肘內橫文頭。屈肘向頭取之。○

手少陰所入為合。○刺五分。灸三壯。一日禁灸。

主治寒熱齒痛目眩發狂癲癩羊鳴嘔吐涎沫。

項不得回頭風疼痛氣逆癩癧肘臂腋脇痛。

手少陰不舉穴。

千金云主腋下癭癧漏臂疼痛風痺瘙漏屈伸不得。鍼三分。留七呼。寫五呼。

席弘賦云。心疼手顫少海間。若要除根。覓陰市。

百證賦云。兼三里穴。治兩臂頑木。

靈道 在掌後一寸五分。一曰一寸。○手少陰所

行為經。○刺三分。灸三壯。

主治心痛悲恐乾嘔。瘈瘲肘攣。暴瘖不能言。

通里 在腕側後一寸陷中。○手少陰絡。別走手

太陽經。○刺三分。灸三壯。

主治熱病頭痛目眩。面熱無汗。懊懣。暴瘖。心悸。悲恐畏人。喉痺苦嘔。虛損數欠。少氣遺溺。肘臂腫痛。婦人經血過多。崩漏。神農經云。治目眩頭疼。可灸七壯。玉龍賦云。療心驚。

百證賦云。兼大鍾。治倦言嗜臥。馬丹陽云。治欲言聲不出。懊懣及怔忡。實則四支重。頭顛面頰紅。聲平仍欠數。喉閉氣難通。虛則不能食。暴瘖面無容。毫鍼微微刺。方信

有神功。

陰郄 一曰手少陰郄

在掌後脉中。去腕五分。當小指之

後。○刺三分。灸三壯。

主治鼻衄吐血。失音不能言。霍亂胃中滿。灑淅

惡寒。厥逆驚恐心痛。大

標幽賦云。止盜汗。治小兒之骨蒸。

百證賦云。兼二間。能疎通寒慄惡寒。○又云兼

後谿。治盜汗之多出。

神門 一名兌衝一名中都

在掌後銳骨端陷中。當小指後。



○手少陰所注為臑。○刺三分。留七呼。灸三壯。  
一云七壯。炷如小麥。

主治瘧疾。心煩。欲得冷飲。惡寒則欲就溫。咽乾。  
不嗜食。驚憤。心痛。少氣。身熱。面赤。發狂。喜笑。  
上氣。嘔血。吐血。遺溺。失音。健忘。心積。伏梁。大  
人小兒五癰。證。手臂攣掣。

玉龍賦云。治癩癩。癩失意。

百證賦云。同上腕。治發狂奔走。直勞宮。○手少

少府。在小指本節後骨縫陷中。直勞宮。○手少

陰所溜為榮。○刺二分。灸三壯。一曰七壯。

主治瘵瘧久不愈。振寒煩滿。少氣。胃中痛。悲恐。  
畏人。臂痠。肘腋攣急。陰挺出。陰癢。陰痛。遺尿。  
偏墜。小便不利。

少衝一名經始。在手小指內側端。去爪甲角如韭葉。

○手少陰所出為井。○刺一分。留一呼。灸一壯。  
一曰三壯。

主治熱病煩滿。上氣。心火炎上。眼赤。血少。嘔吐。  
血沫。及心痛。冷痰。少氣。悲恐。善驚。口熱。咽酸。

胃脇痛。乍寒乍熱。臍臂內後廉痛。手攣不伸。  
玉龍賦云可治心虛熱壅。六土脈亦通。心虛也。  
百證賦云兼曲池治發熱。

乾坤生意云。此為十井穴。凡初中風跌倒。卒暴  
昏沉。痰涎壅滿。不省人事。牙關緊閉。藥水不  
下。急以三稜鍼刺少商。商陽。中衝。關衝。少澤。  
及此穴。使氣血流通。乃起死回生急救之妙

主穴。數載久不愈。治寒熱。心虛。胃中。心虛。

手太陽小腸經穴

小腸經穴歌

手太陽經小腸穴。少澤先於小指設。前谷後谿  
腕骨間。陽谷須同養老列。支正小海上。肩貞臍  
俞天宗秉風合。曲垣肩外復肩中。天窻循次上  
天容。此經穴數一十九。還有顴膠入聽官。

少澤一名小吉

在手小指外側端。去爪甲角一分陷

中。甲乙經曰在小指之端。去爪甲一分陷中。○  
手太陽所出為井。○刺一分。留二呼。灸一壯。

主治痰瘧寒熱汗不出喉痺舌強心煩欬嗽瘕  
 中痰臂痛頸項痛不可顧目生翳及瘵婦人無  
 乳先寫後補小許水開法去八甲一  
 千金云耳聾不得眠刺小指外側端透甲入一  
 分半補之合由賦云治婦人乳腫  
 玉龍賦云治婦人乳腫  
 百證賦云兼肝俞可治攀睛小許  
 靈光賦云除心下寒  
 手乾坤生意云此為十井穴凡初中風卒暴昏沉

痰涎壅盛不省人事急以三稜鍼刺少商商  
 陽中衝少衝及此穴使氣血流通乃起死回  
 生急救之妙穴

前谷 在手小指外側本節前陷中○手太陽所  
 溜為榮○刺一分留三呼灸三壯

主治熱病汗不出痰瘧癩疾耳鳴喉痺頸項頰  
 腫引耳後欬嗽目翳鼻塞吐衄臂痛不得舉  
 婦人產後無乳

後谿 在手小指本節後外側橫文尖上陷中仰

手握拳取之。一云在手腕前外側。拳尖起骨下陷中。○手太陽所注為臑。○刺一分。留二呼。灸一壯。一云三壯。

主治痰瘧寒熱。目翳鼻衄耳聾。臂滿項強癩癧。臂肘攣急。五指盡痛。

神農經云。治項強不得回顧。脾寒肘疼。灸七壯。玉龍賦云。專治時疫瘧瘧。

攔江賦云。專治督脉病癲狂。百證賦云。兼環跳治腿痛。○又云。偕勞官。可治

消疸。○又云。同陰郄治盜汗之多出。

通玄賦云。治頭頂痛立安。

千金十一穴云。兼列缺。治胃項有痛。

一傳治蚤食午吐。午食晚吐。灸此左右二穴。九壯立愈。

捷法云。療手足攣急。屈伸艱難。手足俱顫。不能行步。握物。頸項強痛。不能回顧。頤頰紅腫。咽喉閉塞。水飲不下。心肺二經熱病。雙蛾喉痛。肺與三焦熱病。單蛾咽腫。上下牙兩頰疼痛。

牙關緊急不開。頸項紅腫。耳聾氣痞疼痛。耳內或鳴或癢或痛。雷頭風眩暈。嘔吐痰涎。腎虛頭痛。頭重不舉。肝厥頭暈。及頭目昏沉。偏正頭風疼痛。兩額顙角疼痛。太陽痛。頭項拘急。痛引肩背。醉後頭風。嘔吐不止。惡聞人言。眼赤痛。衝風淚下不已。破傷風。因他事觸發。渾身發熱癩狂。○已上凡三十餘證。先以後谿主治。後隨證加各穴分治之。

腕骨

在手外側。腕前起骨下陷中。○手太陽所

過爲原。○刺二分。留三呼。灸三壯。

主治熱病汗不出。脇下痛。不得息。頸項腫。寒熱耳鳴。目出冷淚。生翳。狂惕偏枯。臂肘不得屈伸。瘧疾煩悶。頭痛驚風。瘰癧。五指掣攣。凡心與小腸火盛者。當寫此。渾身熱盛。先補後寫。肩背冷痛。先寫後補。

玉龍賦云。又兼中腕。治脾虛黃疸。

通玄賦云。腕骨祛黃。

陽谷。在手外側腕中。銳骨下陷中。○手太陽所

行為經。○刺二分。留三呼。灸三壯。○手太陽

主治癩疾發狂。妄言左右顧。熱病汗不出。脇痛

項腫。寒熱耳聾耳鳴。齒痛。臂不舉。小兒瘰癧

舌強。

百證賦云兼俠谿。治領腫口禁。熱盛大脈

養老。在手外踝骨上一空。腕後一寸陷中。○手

太陽郄。○刺三分。灸三壯。

主治肩臂痠痛。肩欲折。臂如拔。手不能上下。目

視不明。

百證賦云兼天柱。治目視眩暈。

張仲文傳灸治仙法。療腰重痛不可轉側。起坐

艱難。及筋攣脚痺不可屈伸。

支正。在腕後外廉五寸。○手太陽絡。別走少陰。

○刺三分。留七呼。灸三壯。

主治五勞癩狂。驚風寒熱。領腫項強。頭痛目眩。

風虛驚恐。悲憂。腰背痠。四支乏弱。肘臂不能

屈伸。手指痛不能握。

百證賦云兼飛陽。可治目眩。

小海 在肘內大骨外。去肘端五分陷中。屈手向頭取之。○手太陽所入為合。○刺二分。留七呼。灸五壯七壯。

主治肘臂肩臑頸項痛。寒熱齒根腫。風眩。瘍腫。小腹痛。五癰瘕瘕。

肩貞 在肩曲胛下。兩骨解間。肩髃後陷中。○刺五分。灸三壯。

主治傷寒寒熱。頰腫耳鳴耳聾。缺盆肩中熱痛。風痺手足不舉。

臑俞 在肩髃後。大骨下胛上廉陷中。舉臂取之。

○手足太陽陽維陽蹻之會。○刺八分。灸三壯。主治臂痿無力。肩痛引胛。寒熱氣腫痿痛。

天宗 在秉風後。大骨下陷中。○刺五分。留六呼。灸三壯。

主治肩臂痿疼。肘外後廉痛。頰頰腫。秉風 在肩上。天髃外小髃骨。舉臂有空。○手太

陽陽明手足少陽之會。○刺五分。灸三壯。主治肩痛不可舉。

曲垣 在肩中央。曲胛陷中。按之應手痛。○刺五分。灸三壯。甲乙經曰十壯。

主治肩臂熱痛。拘急周痺。

肩外俞 在肩胛上廉。去脊三寸陷中。與大杼平。

○刺六分。灸三壯。

主治肩胛痛。發寒熱。引項牽急。周痺寒至肘。

肩中俞 在肩胛內廉。去脊大椎旁二寸陷中。○

刺三分。留七呼。灸十壯。甲乙經作三壯。

主治欬嗽上氣。唾血寒熱。目視不明。

天窻 一名窻籠

在頸大筋前。曲頰下。扶突後動脈應

手陷中。○刺三分。灸三壯。甲乙經作刺六分。

主治頸癭腫痛。肩胛引項不得回顧。頰腫齒噤。

耳聾喉痛暴瘡。

千金云。狂邪鬼語。灸九壯。○癭疹。灸七壯。

天容 在耳下曲頰後。○刺一分。灸三壯。

主治癭氣頸癰。不可回顧。不能言。齒噤耳鳴耳

聾。喉痺咽中如梗。寒熱胃滿。嘔逆吐沫。

顴膠 一名兌骨

在面頰骨下廉。銳骨端陷中。○手少



陽太陽之會。刺二分。禁灸。

主治口喎面赤目黃。眼瞶不止。頤腫齒痛。

百證賦云兼大迎。治目眩妙。

聽宮 一名多所聞 在耳中珠子。大如赤小豆。手足

少陽手太陽之會。刺三分。灸三壯。

主治失音癩疾。心腹滿。耳內蟬鳴耳聾。

百證賦云兼脾俞。能祛心下之悲悽。

類經圖翼六卷終

